



Bosnia and Herzegovina
Federation of Bosnia and Herzegovina

CANTON SARAJEVO
Ministry for Science, Higher Education and Youth

Broj: 27-02-04-151-1/21
Sarajevo, 23.2.2021. godine

SKUPŠTINA KANTONA SARAJEVO
n/r gosp. Elvedin Okerić, predsjedavajući Skupštine

PREDMET: Odgovor na zastupničku inicijativu zastupnika Aljoše Čampare,
dostavlja se-

VEZA: Vaš akt, br.01-04-151-56/21 od 01.2.2021. godine

Zastupnik u Skupštini Kantona Sarajevo Aljoša Čampara, u skladu sa članom 106. Poslovnika Skupštine Kantona Sarajevo („Službene novine Kantona Sarajevo“- broj 41/12- Drugi novi prečišćeni tekst, broj 15/13, 47/13, 47/15, 48/16, 9/20 i 14/20), dana 29.1.2021. godine, uputio je zastupničku inicijativu prema Vladi Kantona Sarajevo. Inicijativa se odnosi na uspostavljanje „nekoliko nužnih koraka kako bi se za žrtve verbalnog i fizičkog seksualnog nasilja stvorilo sigurno okruženje“ u Kantonu Sarajevo. U tački 2. Inicijative predlaže se „hitna izmjena Etičkog kodeksa Univerziteta u Sarajevu“.

S tim u vezi Ministarstvo nauke, visokog obrazovanja i mladih dostavlja sljedeći odgovor:

Ministarstvo nauke, visokog obrazovanja i mladih cijeni opravdanom Inicijativu zastupnika po kojoj bi se stvorilo sigurno okruženje za žrtve verbalnog i fizičkog seksualnog nasilja u Kantonu Sarajevo. Ministarstvo je zastupničku inicijativu, a u vezi sa tačkom 2. u kojoj se predlaže hitna izmjena Etičkog kodeksa Univerziteta u Sarajevu, dostavilo na mišljenje Univerzitetu u Sarajevu, jer se u konkretnom slučaju radi o pitanju iz nadležnosti Univerziteta u Sarajevu.

Etički Savjet Univerziteta u Sarajevu je dostavio pozitivno mišljenje kojim se u potpunosti slaže sa potrebom dopune i izmjene važećeg Etičkog kodeksa. U prilogu Vam dostavljamo mišljenje Etičkog savjeta Univerziteta u Sarajevu, akt broj: 0101-1604/21. od 15.2.2021. godine.

Pripremila: mr.sci Azemina Nijuhović
Sekretarka: Bel

Prilog: Akt Uni
Dostaviti: Sarajevu

1. Naslovu;
2. Stručna služba Vlade Kantona Sarajevo- na Zastupništvu;
3. a/a



MINISTARICA

Prof. dr. Milička Husić-Mehmedović





Broj: 0101-1604/21
Sarajevo, 15. 2. 2021. godine

16-02-2021

**MINISTARSTVO ZA NAUKU,
VISOKO OBRAZOVANJE I MLADE KANTONA SARAJEVO**
Reisa Džemaludina Čauševića 1
71000 Sarajevo
n/r prof. dr. Melike Husić-Mehmedović, ministrica

04 151-135

Predmet: Odgovor na Zastupničku inicijativu zastupnika Aljoše Čampare, veza Vaš dopis broj: 1010 – 1385/21 od 10. 2. 2021. godine, dostavlja se

Poštovana ministrice Husić-Mehmedović,

vezano za tačku 2. Zastupničke inicijative dostavljamo sljedeće mišljenje:

Etički savjet UNSA u potpunosti se slaže sa potrebom da se trenutni Etički kodeks dopuni i izmjeni. U prilog tome govori i činjenica da smo na samom početku ove godine pokrenuli proceduru za izmjenu i dopunu Etičkog kodeksa, koja je trenutno u toku. Definirali smo najveće problematične tačke navedenog kodeksa koje se podudaraju sa navedenim članovima Etičkog kodeksa istaknutim u zastupničkoj inicijativi. Međutim, mi osim seksualnog uznemiravanja koje se navodi u inicijativi smatramo da je potrebno i druge vrste uznemiravanja podrobnije obraditi Etičkim kodeksom, kako bismo preventivno djelovali i na moguće druge neprikladne situacije, kao i na eventualne sukobe interesa.

Nadalje, Etički savjet je pokrenuo procedure da se organizira trajna edukacija iz oblasti uznemiravanja za sve uposlenike UNSA i za studente, sa željom da svakom članu univerzitetske zajednice osiguramo uživanje svih ljudskih prava i sloboda, te promoviramo sigurno okruženje. Želimo istaći da Etički kodeks definiše principe, vrijednosti, standarde i pravila ponašanja unutar akademske zajednice, dok njegovo kršenje tretiraju druge vrste pravnih akata.

Kako je istaknuto u zastupničkoj inicijativi problem je kompleksan i potrebno je da se obuhvati više Ministarstava i drugih kantonalnih organa te u tom smislu stojimo na raspolaganju da budemo dio tima koji će se baviti ovom problematikom, do kompletiranja svih procedura koje vode ka sigurnom okruženju za sve.

S poštovanjem,

**ETIČKI SAVJET
UNIVERZITETA U SARAJEVU**

PREDSTAVNIKA

Pa Nakaš

Akt obradila: mr. sci. Jasmina Gradašćević-Ple
Akt kontrolisala: prof. dr. Erta Nakaš

Dostaviti:

- Naslovu
- U dokumentaciju Etičkog savjeta (putem Sekretara)
- a/a